

Naammagittaalliorniarpit?

Naammagittaalliunnginnerni

Peqqinnissaqarfimmi suliaritereernerpit kingorna apeqqutit saqqummersinnaapput.

- Sooruna nakorsaq taamatut iliortoq
- Suliaritereernerup kingorna nalinginnaava taamaattoqarnissaa
- Suliaritinneq allatut ingerlanneqarsinnaasimava?

Apeqqutit paatsuungassutaasinnaapput, kamaammertillutit nikallortillutilluunniit.

- Suliaritinnerit naammagisimanngikkukku oqaloqatigiinneq ilinnoorpoq. Sooq.
- Taamatorpiaq suliaritissimanerlutit nassuiaatsikkusupputit.
- Oqaloqatigiinnerup ujartukkatit akissutissarsiffiginissaannut ikiorsinnaavaatit.

Maalaarutiginiakkat pillugu oqaloqateqarsinnaajumallutit kiisalu periarfissatit pisinnaatitaaffitillu pillugit annertunerusunik paasissutissinneqarnissat siunertaralugu, Peqqinnissaqarfimmi siunnersorti ulluinnarni nal. 8:00-16:00 akornanni attavigisinnaavat.

Peqqinnissaqarfimmik oqaloqateqarnissaq pillugu [una aamma atuaruk](#)

Peqqinnissakkut sullinneqarneq pillugu maalaarut

Peqqinnissaqarfimmisullinneqarneq pillugu maalaarutitut ilaapput peqqinnissaqarfimmi pisortat ingerlataanni tamatumalu avataani peqqinnissakkut sullissisunit ilaatigut makkununga atatillugu sullinneqarneq:

- Misissuinerit
 - Nappaatinik suussusersiniaaneq nakorsaanerlu
 - Ernisorsiorneq
 - Paaqqutarinninneq
 - Napparsimasunik ataasiakkaanik peqqinnerulersitsiniarneq nappaatinillu pitsaaliuneq
 - Nakorsartinnissaq pillugu paasissutissiineq nakorsartinnissamullu akuersissuteqarneq
 - Allattugaatinut nalunaarsuineq
 - Peqqinnissakkut sullissisut nipangiussisussaataitanerat
 - Nakorsat uppersaasiaat
-

Kiffartuussineq pillugu maalaarut

Peqqinnissaqarfimmi pisortanit ingerlanneqartumi kiffartuussineq pillugu maalaarutini pineqartut ilaatigut tassaapput:

- Sulisut pissusilersornerat
 - Ammasarfiit
 - Utaqqineq
 - Najukkami atugassarititaasunut tunngasut
-

Taarsiiffigitinnissamut qinnuteqaat

Peqqinnissaqarfimmi pisortat ingerlataanni peqqinnissakkut sullissisumit nakorsartinneq pillugu maalaarutinnut atatillugu taarsiiffigitinnissaq qinnutigisinnaavat.

Ajoquserneqarnikkut anniaatinut aningaasatigulluunniit annaasanut taarsiiffigitissinnaavutit.

Makku arlaannut taarsiiffigitinnissaq qinnutigisinnaavat:

- Sulisinnaannginnermi annaasaqaatit
- Ajoquserneqarnikkut anniaatit
- Ataavartumik ajoqutigilikkat
- Inuussutissarsiorsinnaanermik annaasaqarneq
- Pilersuisugisamik annaasaqarneq
- Kukkusumik nakorsarneqarnerup kingunerisaanik peqqissutsimut tunngatillugu aningaasartuutit allatigullu aningaasanik annaasaqarneq.

Peqqinnissaqarfimmi sullinneqarneq pillugu maalaarutit nassiukkakku taarsiiffigitinnissamik kissaateqarnerit nalunaarutigisimagukku, taanna Nunatsinni Nakorsaaneqarfiup Peqqissutsimut Naalakkersuisoqarfimmut ingerlateqqissavaa.

Malugiuk:

Peqqinnissaqarfimmi nakorsartinneq pillugu maalaarummik nassitsininnut ilanngullugu taarsiiffigitinnissamut qinnuteqarsinnaavutit.

Maalaarutit inerniliisumik aalajangiivigineqareerpat aatsaat taarsiiffigitinnissamut noqqaassutit suliarineqassaaq.

Peqqinnissaqarfimmi sullineqarneq pillugu maalaarutit akuerineqarpat aatsaat taarsiiffigitissinnaavutit.

Maluginiagassat:

Pisimasoq imaluunniit nakorsartinneq pillugu misigisannik sulisut oqaluunnarlugit apeqqutissatillu akissutissarsiviginiarlugit pisoqarfiusumut imaluunniit nakorsartiffiusumut tamatigut attaveqaaqqaartariaqarputit. Saaffiginninninni oqaloqatigiinnerup qanoq ingerlanissaanik kiallu oqaloqatiginissaanik ilisimatinneqassaatit.

Qanoq ilillutit maalaarutearnissannut annertunerusunik paasisassarsiorit [Sullissivik](#)– Ilu aqputigalugu maalaaruteqarit.